

邪三五飛步之術追殲其神於長沙復懼遺孽洊與使物冶鍊
壓其窟宅一在西山雙領南堙沒已久一在牙城南井迄今猶
存柱出井外勵尺下施八索謂能鈎鎖地脈云唐咸通六年節
度使嚴譔來爲郡將發視之未及尺烈風雷雨江水暴溢譔恐
而止其見於道家書者如此濂竊聞之周有壺涿氏掌取水蟲
若欲殺其神則以牡犗牛貫象齒而沉之則其神死淵爲陵神
謂龍罔象之屬也古盖有其術矣矧單陽則飛制以重陰乃伏
而不動鍊陰而蛟陽者也斯柱之建其亦沉犗象之遺意與於
戲豫章之民與蛟不兩立微旌陽西安民其魚矣濂雖不敏謹
徇郡守某之請勒文柱下以頌神功於億萬載頌曰吳楚合域
翼軫分經南昌鉅都蛟孽所庭咄撻波譎睢運濤縈夫諸獸驗